

62

8. gr.

15. apríl

Brot gegn reglugerð þessari varða sektum allt að 500 krónum. Sé brotinu þannig háttað að dreginn hafi verið undan skemmtanaskattur, skal sektin ákveðin, sem svarar að minnsta kosti tíföldum skatti, sem undan var dreginn, þó aldrei yfir 1000 krónur. Mál, sem kunna að rísa út af brotum á reglugerð þessari, skal fara með sem almenn lögglumál.

Reglugerð þessi öðlast þegar gildi og birtist til eftirbreytni öllum þeim, sem hlut eiga að máli.

Í dómsmálaráðuneytinu, 15. apríl 1942.

Hermann Jónasson.

Gústav A. Jónasson.

63

16. apríl

Staðfesting ríkisstjóra á skipulagsskrá fyrir „Rannveigarsjóð“, útgefin á venju-
legan hátt að mandatum af dóms- og kirkjumálaráðherra 16. apríl 1942.
Skipulagsskráin er þannig:

SKIPULAGSSKRÁ

fyrir Rannveigarsjóð.

1. gr.

Sjóðurinn nefnist Rannveigarsjóður og er stofnaður til minningar um foreldra mín undirritaðs, Jóns Kristóferssonar skipstjóra í Reykjavík, þau Rannveigu Jónsdóttur og Kristófer Þorvarðarson, sem bjuggu á Breiðabólstað á Síðu allan sinn búskap.

2. gr.

Stofnfé sjóðsins er 10000 — tíu þúsund — krónur, sem er gjöf frá okkur undirrituðum hjónum, Þórunni Guðmundsdóttur og Jóni Kristóferssyni, Ránargötu 22 í Reykjavík. Hefur fjárhæð þessi þegar verið lögð á vöxtu í aðaldeild Söfnunarsjóðs Íslands undir nafninu „Rannveigarsjóður“. Skal hún ávöxtuð þar meðan þess er kostur, en ella á þann hátt, sem stjórn sjóðsins telur hagkvæmast og öruggast.

3. gr.

Tilgangur sjóðsins er að styðja að skógrækt í Kirkjubæjar- og Hörgslandshreppum í Vestur-Skaftafellssýslu með því, að veita verðlaun til þeirra manna í hreppum þessum, sem skara fram úr í ræktun trjá- og skrudgarða.

4. gr.

Sjóðnum skal stjórnað af þriggja manna nefnd. Skal sýslumaðurinn í Skaftafellssýslum vera formaður nefndarinnar, en oddvitar Kirkjubæjar- og Hörgslandshreppa meðstjórnendur, ef þeir vilja svo vel gera. Vilji einhver þessara manna ekki taka það starf að sér, felum við sýslumanninum í Skaftafellssýslu að kveðja til þess aðra hæfa menn, sem fánlegir eru til að taka það að sér.

5. gr.

Höfuðstól sjóðsins má aldrei skerða. Árlega skal helmingur vaxta lagður við höfuðstólinn og ávaxtaður með honum. Hinum helmingnum skal varið til verðlauna samkvæmt því, sem segir í 3. gr. Verðlaun skulu fyrst veitt á árinu 1943 og síðan á ári hverju, ef nokkur þykir verðlauna hæfur á starfssvæði sjóðsins.

Að jafnaði skulu veitt ein verðlaun á ári hverju, en þó má skipta verðlaununum 63 í tvennt ef ástæða þykir til.

16. apríl

Eigi má veita sama manni verðlaun oftár en á 10 ára fresti.

Þyki sjóðstjórninni enginn í ofangreindum hreppum verðlaunahæfur, þegar útluta skal, ber að leggja alla vextina frá fyrra ári við höfuðstólinn. Sé félag fyrir hendi í hreppum þessum, sem hafi sama markmið og þessi sjóður, má sjóðstjórnin þó ákveða að sá hluti vaxtanna, sem borið hefði að nota til verðlauna, renni til þess.

6. gr.

Stjórn sjóðsins auglýsir á þann hátt, sem henni þykir henta, eftir umsóknum um styrk úr sjóðnum og úthlutar síðan styrknum í samræmi við það, sem að framan greinir.

7. gr.

Reikningsár sjóðsins er almanaksárið. Fyrir lok janúarmánaðar ár hvert skal stjórnin hafa samið reikning hans fyrir liðið ár og skal hann síðan endurskoðaður af tveimur þar til hæfum mönnum, og kjósa hreppsnefndir ofangreindra hreppa sinn manninn hvor. Að lokinni endurskoðun, sér stjórnin um að hann sé birtur almenn- ingi í hlutaðeigandi hreppum.

8. gr.

Stjórn sjóðsins ber að halda gerðabók og skal rita í hana skipulagsskrá þessa, fundargerðir og skrá yfir umsóknir og styrkveitingar úr sjóðnum. Svo skal og skrá þar eign- og rekstursreikning sjóðsins ár hvert.

9. gr.

Leita skal konungsstaðfestingar á skipulagsskrá þessari. Við áskiljum okkur að mega gera minni háttar breytingar á henni síðar, þó svo, að tilgangur sjóðsins haldist óbreyttur, enda skal einnig leita konungsstaðfestingar á slíkum breytingum.

Reykjavík, 14. apríl 1942.

Þórunn Guðmundsdóttir. Jón Kristófersson.

AUGLÝSING

um lækun aðflutningsgjalda á kornvörum og sykri.

64

16. apríl

Samkvæmt heimild í 3. gr. laga nr. 98 9. júlí 1941, hefur ríkisstjórnin ákveðið að fella niður frá deginum í dag að telja til ársloka 1942 verðtoll af:

Baunum, ertum, linsum, hveiti, rúg, rís með hýði eða án hýðis, byggi, höfrum, maís og annarri ómalaðri kornvöru, mjöli: úr hveiti, úr rúg, úr rís, úr byggi, úr höfrum, úr maís og öðru ótöldu; grjónum: úr hveiti, úr byggi, úr höfrum, úr rís og öðru ótöldu.

Enn fremur að lækka um helming um sama tíma aðflutningsgjöld af:

Sykri, strásykri, höggnum sykri (molasykri), sallasykri (flórsykri), púðursykri, steinsykri (kandís) og toppasykri.

Auk þessa hefur verið ákveðið, að ekki skuli innheimta verðtoll af farmgjaldi af ofangreindum sykri um sama tíma.

Lækkanir þessar á aðflutningsgjöldunum koma fyrst til greina á vörum þeim, sem fluttar eru inn frá og með 16. apríl þ. á. að telja, en ekki þeim, sem fluttar voru inn fyrir 16. apríl, þótt ótollafgreiddar séu.

Fjármálaráðuneytið, 16. apríl 1942.

Jakob Möller.

Magnús Gíslason.